

ՀՀ-ՈՒՄ ԺԱՄԱՆԱԿԱՎՈՐ ԿԱԳՈՒԹՅԱՆ ԿԱՐԳԱՎԻՃԱԿ ԶԵՌՔ ԲԵՐԵԼԸ

5 հարցերի կարճ պատասխաններ



1 Որո՞նք են ՀՀ-ում ժամանակավոր կացության կարգավիճակ ստանալու հիմքերը:

- ա) Ազգությամբ **հայ** լինելը,
- բ) ՀՀ-ում **ուսանող** լինելը,
- գ) ՀՀ-ում **ձեռնարկատիրական գործունեություն** իրականացնելը,
- դ) **Աշխատանքի թույլտվություն ունենալը** (կամ օրենքով սահմանված կատեգորիայի օտարերկրացիների համար՝ աշխատանքի թույլտվություն ստանալու բացառությունների ցանկին համապատասխանելու վերաբերյալ եզրակացություն ունենալը)
- ե) ՀՀ քաղաքացու կամ ՀՀ-ում մշտական կամ հատուկ կացության կարգավիճակ ունեցող **օտարերկրացու ամուսին կամ մերձավոր ազգական** (ծնող, զավակ, եղբայր, քույր, տատ, պապ, թոռ) լինելը,
- զ) ՀՀ-ում ժամանակավոր կացության կարգավիճակ ունեցող **օտարերկրացու ամուսին, ծնող կամ զավակ լինելը:**




2 Ի՞նչ ժամկետով է տրվում ժամանակավոր կացության կարգավիճակը:

Ժամանակավոր կացության կարգավիճակը տրվում է մինչև **1 տարի ժամկետով**՝ յուրաքանչյուր անգամ **1 տարով երկարաձգելու հնարավորությամբ**: Ժամանակավոր կացության կարգավիճակը երկարաձգելու դիմումը պետք է ներկայացվի կարգավիճակի ժամկետը լրանալուց **առնվազն 30 օր առաջ**:

3 Ո՞վ է տրամադրում ժամանակավոր կացության կարգավիճակը:

ՀՀ ՆԳՆ միգրացիայի և քաղաքացիության ծառայությունը:

Հասցե՝ **ՀՀ, Երևան, 0054, Դավթաշեն, 4-րդ թաղամաս, 17/10 շենք**



4 Որքա՞ն է ժամանակավոր կացության կարգավիճակ ստանալու համար պետական տուրքը:

105,000 ՀՀ դրամ:

5 Ի՞նչ փաստաթղթեր/տեղեկություն է անհրաժեշտ ներկայացնել:

Ժամանակավոր կացության կարգավիճակ ստանալու համար ներկայացվում են հետևյալ փաստաթղթերը՝

- ա) դիմում,
- բ) դիմում-հարցաթերթիկ,
- գ) 3.5 x 4.5 մմ չափսի երեք գունավոր լուսանկար,
- դ) անձնագիրը, անձնագրի պատճենը և անձնագրի նոտարական կարգով վավերացված **հայերեն թարգմանությունը**,
- ե) առողջական վիճակի մասին տեղեկանք,
- զ) Հայաստանի Հանրապետության քաղաքացի հանդիսանալու հանգամանքը պարզելու համար ներկայացվում են նաև դիմումատուի ծննդյան վկայականի, ծնողների անձնագրերի և ծնողների ամուսնության վկայականի պատճենները,
- է) ՀՀ-ում օրինական հիմքով բնակվելը հավաստող փաստաթուղթ՝ ՀՀ մուտքի վիզա, կացության քարտ, ՀՀ հատուկ անձնագիր, սահմանային վերահսկողություն իրականացնող մարմնի կողմից անձի փաստաթղթում ՀՀ մուտք գործելու մասին կատարված նշումը,
- ը) պետական տուրքի վճարման անդորրագիրը (մինչև 18 տարեկան անձանց դեպքում պետական տուրք չի գանձվում);

Հայաստանի Հանրապետությունում կացության կարգավիճակ ստանալու (կացության կարգավիճակը երկարաձգելու) **հանգամանքը հիմնավորող փաստաթղթեր՝**

- ա) ազգությամբ հայի դեպքում՝ ազգությամբ հայ լինելը հավաստող փաստաթղթերից որևէ մեկը,
- բ) ձեռնարկատիրական գործունեության դեպքում՝ ձեռնարկատիրական գործունեությունը հավաստող փաստաթղթեր,
- գ) ՀՀ քաղաքացու կամ ՀՀ-ում հատուկ, մշտական կամ ժամանակավոր կարգավիճակ ունեցող օտարերկրացու մերձավոր ազգականի դեպքում՝ ազգակցական կապը հավաստող փաստաթուղթը, ՀՀ քաղաքացու անձնագիրը, հատուկ անձնագիրը, մշտական կացության քարտը, ժամանակավոր կացության քարտը,
- դ) ուսման դեպքում՝ ուսման հանգամանքը հիմնավորող փաստաթուղթը:

Բոլոր **օտարալեզու փաստաթղթերը** պետք է լինեն օրենքով սահմանված կարգով հաստատված և նոտարական վավերացմամբ **հայերեն թարգմանությամբ**: